

KODAK
LICENSED PRODUCT

M

Y

KODAK Gray Scale




正刻

世說新語補

十三十四

土岐文庫
文庫17
W210
7



文章 17
W210
7

李卓吾批點世說新語補卷之十三



宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李贄 批點

張文柱 校注

世說新語補卷之十三

昭和六十年三月二日
土岐善吉氏寄

010185190566

豪爽

○補 趙溫居常歎曰大丈夫當雄飛安能雌伏後漢

書曰溫字子柔蜀郡成都人先是趙典為衛尉典兄子謙謙弟溫相繼為三公

○補

孔北海居家失勢賓客日滿其門愛才樂士常若不足每歎曰坐上客常滿尊中酒不空吾無憂矣

○王

劉云王敦楚語

王大將軍年少時舊有田舍名語音亦楚武帝喚時賢共言伎藝事人皆多有所知唯王都無所關意色殊惡自言知打鼓吹帝令取鼓與之

於坐振袖而起揚棊奮擊音節諧捷神氣豪上
傍若無人舉坐嘆其雄爽

○劉云自是可得傳之者少

王處仲世許高尚之目嘗荒恣於色體為之敝
左右諫之處仲曰吾乃不覺爾如此者甚易耳
乃開後閣驅諸婢妾數十人出路任其所之時
人歎焉鄧粲晉紀曰敦性簡脫口不言財其存尚如此

○王處仲每酒後輒詠老驥伏櫪志在千里烈士
暮年壯心不已魏武帝樂府詩以如意打唾壺壺口盡

缺

○劉云四則皆處仲至此欲盡王云老賊故自豪此意尤可矜

劉云如此復何講為

○晉明帝欲起池臺元帝不許帝時為太子好養武士一夕中作池比曉便成今太子西池是也

丹陽記曰西池孫登所創吳史所稱西苑也明帝脩復之耳

劉云似謂撫按之耳古言俗字容有通用

劉云馥心不服桓故稱王以勞

○王大將軍始欲下都處分樹置先遣參軍告朝廷諷旨時賢祖車騎尚未鎮壽春瞋目厲聲語使人曰卿語阿黑敦小字也何敢不遜催攝回去須吏不爾我將三千兵禦腳令上王聞之而止桓宣武平蜀集參僚置酒於李勢殿巴蜀縉紳莫不來萃桓既素有雄情爽氣加爾日音調英

桓然桓寔勝王王云敦雖敗猶令人有餘畏桓温所以嘆為可兒

劉云溪刻雖不可知要是苦語

發叙古今成敗由入存亡繫才其狀磊落一坐歎賞既散諸人追味餘言于時潯陽周馥曰恨卿輩不見王大將軍中興書曰馥周撫孫也字濶隱有將略曾作敦掾桓公讀高士傳至於陵仲子便擲去曰誰能作此溪刻自處皇甫謐高士傳曰陳仲子字子終齊人兄戴相齊食祿萬鍾仲子以兄祿為不義乃適楚居於陵曾乏糧三日匍匐而食井李之實三咽而後能視身自織屨令妻擗糲以易衣食嘗歸省母有饋其兄生鵝者仲子輒顛曰惡用此鵝鵝為哉後母殺鵝仲子不知而食之兄自外入曰鵝鵝肉邪仲子出門哇而吐之楚王聞其名聘以為相乃夫婦逃去為園入灌

世說新語卷之十三 三

補

王世將高朗豪率王丞相庾太尉遊于石頭會
世將至爾日迅風飛颿世將倚船樓長嘯神氣
甚逸丞相謂太尉曰世將為復識事太尉曰正
足舒其逸耳王廙別傳曰廙字世將祖覽父正廙性倨傲不合已者面拒之故為

物所疾加平南將軍

○補

桓宣武與殷劉談不如甚喚左右取黃皮袴褶
上馬舞稍數迴或向殷或擬劉意氣始得雄

○補

王右軍為會稽內史謝公就乞牋紙右軍檢校
庫中有九萬悉以乞謝公桓宣武聞之曰逸少

不節

○

陳林道在西岍陳逵別傳曰逵字林道潁川許
逵少有幹以清敏立名襲封廣陵公黃門郎西
中郎將領梁淮南二郡太守晉陽秋曰逵為西
太守成歷陽都下諸人共要至牛渚會陳理

圖云可漢

既佳人欲共言拆陳以如意挂頰望雞籠山歎
曰孫伯符志業不遂吳錄曰長沙桓王策少有

衆號孫郎平定江東為許貢客射破其面引鏡
自照謂左右曰面如此豈可復立功乎乃謂張
昭曰中國方亂夫以吳越之眾三王之固足以
觀成敗公等善相吾弟呼大皇帝授以印綬曰
舉江東之衆決機於兩陳之間卿不如我任賢
使能各盡其心我不如卿慎勿比渡語畢而薨

七古

年二十。於是竟坐不得談。

桓石虔司空豁之長庶也。豁別傳曰。豁字朗子。温之弟。累遷荊州刺

史。贈司空。小字鎮惡。年十七八。未被舉。而童隸已呼

為鎮惡。郎嘗住宣武齋頭。從征枋頭。車騎沖沒。

陳左右莫能先救。宣武謂曰。汝叔落賊。汝知不。

石虔聞之。氣甚奮。命朱辟為副策馬於數萬眾

中。莫有抗者。徑致沖還。三軍歎服。河朔後以其

名斷瘡。中興書曰。石虔有才幹。有史學。累有

王司州在謝公坐。詠入不言。今出不辭。乘四風。

劉云小名鎮惡。遂能斷瘡。第不知當時桓温媿此兒不。

劉云此復何足語人。

王胡之

今載雲旗。離騷九歌少語人云。當爾時。覺一坐

無人。

桓玄西下。入石頭外白司馬梁王奔叛。續晉陽

王珍之。字景度。中興書曰。初桓玄篡位。國人有

孔璞者。奉珍之奔壽陽。義旗既興。歸朝廷。仕至

太常卿。玄時事。形已濟。在平。乘上。笳鼓竝作。直

高詠云。簫管有遺音。梁王安在哉。阮籍詠

宗元幹小時。叔父少文問其所志。元幹答曰。願

乘長風。破萬里浪。孫巖宋書曰。宗慤。字元幹。南

被劫。慤年十四。挺身與拒。衆皆披散。叔少文素

著高節。子弟以文義為業。慤任氣好勇。不為鄉

劉云以此為達可矣

補

七古士說有卷之十三

曲所知

○補李永和杜門却掃絕迹下帷棄產營書手自矜

削每歎曰丈夫擁書萬卷何假南面百城北史李

謚字永和少好學周覽百氏初師小學博士孔

璠數年後璠還就謚請業同門生為之謚曰青

成藍藍謝青師何常在明經徵拜著作佐郎雖

以授弟郁詔許之州再舉秀才公府二辟並不

就唯以琴書為業有絕世之心及

卒博士孔番等奏謚為貞靜處士

○補裴寬罷郡西歸宋初唐書曰寬聞喜人性通敏

登樓見人於後圃有所瘞藏者訪是裴參軍居

問狀答曰寬義不以苞苴汚家適有人以鹿為

餉致而去不敢自欺故瘞之訖嗟異妻以女

寶中歷仕至戶部尚書御史大夫李林甫惡之

敗睢陽太守遷東海人為禮部尚書見一士坐樹下甚貧與語奇

之舉一船金帛盡與之此人不辭登舟奴婢偃

蹇者輒鞭之乃張徐州也唐書曰張建封字本

立鄧州南陽人客隱

竟州父价建封少喜文章能辯論慷慨尚氣自

許以功名顯湖南觀察使韋之晉辟授兵曹參

軍不樂職輒去馬燧雅知之表為判官擢監察

御史李希烈平以功進御史大夫徐泗濠節度

使治徐凡十年一軍大治下皆畏悅士往如歸

○補李白錢希白南部新書曰李白山東人父任城

尉因家焉少與魯中諸生孔巢父韓準裴

政張叔明陶沔隱於徂徠山號竹溪六逸天寶

中遊會稽與吳筠隱剡中筠徵赴闕薦之於朝

七古世說補卷之十三

酒肆召入。以承灑面。即乘筆。成十餘章。上嘉之。嘗沉醉殿上。引足令高力士脫靴。由是斥去。浪迹江湖。嘗月夜乘舟。自采石達金陵。衣宮錦袍。舟中笑傲。倘若無入。後坐永王璘事。長流夜郎。遇赦還。卒。登華山落鴈峰。削成而四方。高五千。於宣城。華山志曰。三峰直上。晴霽可觀。曰。此處呼吸之氣。想通帝坐。史記曰。中端門。門左右掖門。門內六星。諸侯也。其內五星。五帝座。恨不攜謝朓

驚人詩來搔首問青天爾。詩品曰。詭奇章秀句。往往警道。至為後進

士子之所嗟慕

○補

滕達道微時。東都事略曰。滕元發字達道。東陽人。范仲淹見而奇之。神宗朝。拜翰林學士。性疎達。在上前論事。如家人父子。言無文飾。洞見肝膈。神宗知其誠。蓋後力言新法之

俠疑狹誤

害落職。知筠州。或以為且。有後命。元發曰。天知吾直。上知吾忠。吾何憂哉。上章自訟。有曰。樂羊有功。誦書滿篋。即墨何罪。毀言日聞。為范文正上覽之。釋然。改知揚州。卒。謚章敏。

館客常私就俠邪飲。范病之一夕。候其出徑坐。達道書室。明燭讀書。以俟其至。達道大醉。竟入長揖問范。公讀何書。曰。漢書。復問。漢高帝何如人。范逡巡走入。文正公年譜曰。公諱仲淹。字希文。蘇州人。仁宗朝。官至參知政

事。謚文正。

○補

蘇子美豪放不羈。好飲酒。宋史曰。蘇舜欽字子美。陳慥慨有大志。范仲淹薦。試集賢校理。監進奏院。舜欽娶宰相杜衍女。衍時與仲淹富弼在政

李云祁公頗通祁公不應犯

府多引用一時聞人御史中丞王拱辰等不便其所為會進秦院祠神舜欽輒鬻故紙公錢空妓樂會客拱辰廉得之諷其屬劾奏因搖動衍舜欽坐自盜除名既放廢寓居吳中買水石作滄浪亭益讀書自喜時發憤懣於歌詩往往驚人
在外舅杜祁公家宋
日杜衍字世昌越州山陰人父遂良尚書員外郎衍苦志厲操尤篤於學擢進士甲科歷龍圖學士刑部侍郎樞密副使每夕讀書以一斗為率公深以為疑密使覘之子美讀漢書張良傳至良與客狙擊秦皇帝撫掌曰惜乎擊之不中遂滿引一大白又讀至良曰始臣起下邳與上會於留此天以授陛下又撫案曰君臣相遇其難如此復與

一大白公笑曰有如此下物一斗不足多也

史記

日張良其先五世相韓秦滅韓良悉以家財求客刺秦王嘗學禮淮陽東見滄海君得力士為鐵椎重百二十斤秦皇帝東遊良與客狙擊秦皇帝博浪沙中誤中副車更名姓亡匿下邳漢六年封功臣良未嘗有戰鬪功高帝曰運籌策帷幄中決勝千里外子房功也自擇齊三萬戶良曰始臣起下邳與上會留此天以臣授陛下臣願封留足矣乃授張良為留侯

容止

○補

陸子春姿容如玉威儀秀異

吳地記曰陸闕字子春吳郡吳人陸

暢之子

光武嘗登臺見而偉之歎曰南方故多佳

人

謝承後漢書曰陸闕建武中為尚書令美姿貌喜着越布單衣上見而好之自是常敕會

稽郡獻
越布

○魏明帝使后弟毛曾與夏侯玄共坐時人謂兼

葭倚玉樹魏志曰玄為黃門侍郎與毛曾並坐玄甚耻之曾說形於色明帝恨之左

遷玄為
羽林監

○何平叔美姿儀面至白魏明帝疑其傅粉正夏

月與熱湯麩既嗽大汗出以朱衣自拭色轉皎

劉云晏春書
時尚未有明帝
註駁未當

然魏略曰晏性自喜動靜粉白不去手行步顧影按此言則晏之妖麗本資外飾且晏養自

官中與帝相長豈復疑其形姿待驗而明也

○補劉季和嘗言荀令君典略曰荀彧字文若潁川人為漢侍中守尚書令彧

為人美偉折節待士坐不累席其在臺閣間以私欲撓意年五十薨謚曰敬侯以其名德高

追贈至人家坐處常三日香襄陽記曰劉季和性愛香嘗上廁還

過香鑪上主簿張坦曰人名公作俗人不虛也季和曰荀令君至人家坐處三日香為我如何

令君而惡我愛香也坦曰古有好婦人患而捧心頻眉見者皆以為好其鄰醜婦法之見者走

公便欲使下官遁走邪季和大笑以是知坦

時人曰夏侯太初朗朗如日月之入懷李安國

積唐如玉山之將崩魏略曰李豐字安國衛尉李義子也識別人物海內

注意明帝得吳降人問江東聞中國名士為誰以安國對之是時豐為黃門郎改名宣上問安

國所在左右公卿即具以豐對上曰豐名乃被於吳越邪仕至中書令為晉王所誅

劉云何其開爽

○ ○

嵇康身長七尺八寸。風姿特秀。康別傳曰。康長七尺八寸。偉容

色。土木形骸。不加飾厲。而龍章鳳姿。天質自然。正爾在羣形之中。便自知非常之器。見者

歎曰。蕭蕭肅肅。爽朗清舉。或云。肅肅如松下風。

高而徐引。山公曰。嵇叔夜之為人。也。巖巖若孤

松之獨立。其醉也。傀俄若玉山之將崩。

裴令公目王安豐。眼爛爛如巖下電。王戎形狀甚清炤。視之不眩。

○ ○ 潘岳妙有姿容。好神情。岳別傳曰。岳姿容甚美。風儀閒曠。少時

挾彈出洛陽道。婦人遇者。莫不連手共縈之。左

劉云。理不犯羣。何至委頓。

王云。未聞醜人必為羣。羣所唾。

好事者之談也。語林亦然。

太冲絕醜。續文章志曰。思貌醜。頓不持儀飾。亦復效岳遨遊於

是羣。羣齊共亂唾之。委頓而返。語林曰。安仁至美。每行。老嫗以

果擲之。滿車。張孟陽至醜。每行。小兒以瓦石投之。亦滿車。二說不同。

○ 王夷甫容貌整麗。妙於談玄。恒捉白玉柄麈尾。

與手都無分別。

○ 潘安仁夏侯湛。並有美容。喜同行。時人謂之連

璧。八王故事曰。岳與湛著契。故好同遊。

○ 裴令公有雋容姿。一旦有疾。至困。惠帝晉書曰。帝諱衷。

武帝太子。在位十七年。中壽而崩。使王夷甫往看。裴方向壁臥。

聞王使至強回視之王出語人曰雙眸閃閃若

巖下電精神挺動體中故小惡名士傳曰楷病困詔遣黃門郎

王夷甫省之楷回眸屬夷甫二公竟未相識夷甫還亦歎其神儁

○裴令公有儁容儀脫冠冕麤服亂頭皆好時人

以為玉人見者曰見裴叔則如玉山上行光映

照人

○有人語王戎曰嵇延祖卓卓如野鶴之在雞羣

答曰君未見其父耳康也

○劉伶身長六尺貌甚醜頰而悠悠忽忽土木形

骸梁祚魏國統曰伶形貌醜陋身長六尺然肆骨意放蕩悠悠焉獨暢自得一時常以宇宙為狹

○補陸士龍好笑嘗著縷幘上船水中自見其影便

大笑不已幾落水

○驃騎王武子是衛玠之舅儁爽有風姿見玠輒

歎曰珠玉在側覺我形穢玠別傳曰驃騎王濟玠之舅也嘗與同遊

語人曰昨日吾與外生共坐若明珠之在側朗然來照人

○衛玠從豫章至下都人久聞其名觀者如堵牆

玠先有羸疾體不堪勞遂成病而外時人謂看

殺衛玠玠別傳曰玠在羣伍之中寔有異人之望齒齟時乘白羊車於洛陽市上咸曰

劉云謂候見者多徒欲看耳

劉云覺物之好

誰家壁人。於是家門州黨。號為壁人。按永嘉流人名曰玠。以永嘉六年五月六日至豫章。其年六月二十日卒。此則玠之南度。豫章四十五日。豈暇至下都而亡乎。且諸書皆云玠亡在豫章。而不云在下都也。

劉云婦人語

王丞相見衛洗馬曰。居然有羸形。雖復終日調。暘若不堪羅綺。玠別傳曰。玠素抱羸疾。西京賦。綺。

○有人詣王太尉。遇安豐大將軍丞相在坐。往別

屋。見季胤平子。石崇金谷詩叙曰。王詡字季胤。瑯邪人。王氏譜曰。詡。夷甫弟也。

仕至修武令。還語人曰。今日之行。觸目見琳琅珠玉。

○補庾公道王尼。非唯事事勝人。布置須眉亦勝人。

我輩皆出其轅下。晉中興書曰。王尼字孝孫。洛陽覆沒。避亂江夏。王澄時為

荆州。見之欣喜。厚供給之。

周伯仁道桓茂倫。欽崎歷落可笑。入或云謝幼

興言。

劉云太白全用此語。似似倫。

庾子嵩長不滿七尺。腰帶十圍。穢然自放。

○周侯說王長史父。王氏譜曰。訥字文開。太原人。祖默。尚書父。祐散騎常侍。訥

始過江。仕至新淦令。形貌既偉。雅懷有槩。保而用之。可作

諸許物也。

劉云諸許猶言一切。

祖士少見衛君長云。此人有旄仗下形。

○庾太尉在武昌。秋夜氣佳。景清。佐吏殷浩。王胡

之。之徒登南樓理詠。音調始道。聞函道中有履

聲甚厲。定是庾公。俄而率左右十許人步來。諸

劉云觀此語元規莫我可想

賢欲起避之。公徐云。諸君少住。老子於此處興

復不淺。因便據胡牀。與諸人詠。諠竟坐。甚得任

王云王意重度

樂。後王逸少下。與丞相言及此事。丞相曰。元規

爾時風範。不得不小積。右軍荅曰。唯丘壑獨存。

王敬豫有美形。問訊王公。王公撫其肩曰。阿奴

恨才不稱。又云。敬豫事事似王公。

○王右軍見杜弘治。歎曰。面如凝脂。眼如點漆。此

神仙中人。江左名士傳曰。永和。中。劉真長。謝仁

標。今上。為後來之美。又面如凝脂。眼如點漆。粗可得方。諸衛玠。時人有稱王長

史形者。蔡公曰。恨諸人。不見杜弘治耳。

○劉尹道桓公。鬢如反狷皮。眼如紫石稜。自是孫

仲謀司馬。宣王一流人。宋明帝文章志曰。溫。為

日。孫權。字。仲謀。策弟也。漢使者劉琬語人曰。吾

觀。孫氏兄弟。雖並有才秀明達。皆祿祚不終。唯

表。晉陽秋曰。宣王天姿傑邁。有英雄之略。

劉云英物爾醜

○王敬倫風姿似父作侍中。劭別傳曰。劭字敬倫。丞相導第五子。清貴

簡素。研味玄曠。大司馬桓溫稱爲鳳雛。累遷尚書僕射。吳國內史。加授桓公公

服從大門入。桓公望之曰。大奴固自有鳳毛。大奴。

劭也。中興書曰。劭美姿容。持儀操也。

○林公道王長史。斂衿作一來。何其軒軒韶舉。林

曰。王仲祖有好儀形。每覽鏡自照曰。王文開那生如馨兒。時人謂之達也。

時人目王右軍。飄如遊雲。矯若驚龍。

○王長史嘗病。親疎不通。林公來守門。人遽啓之

曰。一異人在門。不敢不啓。王笑曰。此必林公。按語

劉云俗語

林曰。諸人嘗要阮光祿。共詣林。林曰。欲聞其言。惡見其面。此則林公之形。信當醜異。

○或以方謝仁祖。不乃重者。桓大司馬曰。諸君莫

輕道仁祖。企脚北窗下。彈琵琶。故自有天際真

人想。晉陽秋曰。尚善音樂。裴子云。丞相嘗曰。堅石。琴。脚枕琵琶。有天際想。堅石。尚小名。

○王長史爲中書郎。往敬和許。爾時積雪。長史從

門外下車。步入尚書。著公服。敬和遙望。歎曰。此

不復似世中人。

○簡文作相。王時與謝公共詣桓宣武。王珣先在

內。桓語王。卿嘗欲見相。王可住帳裏。二客既去。

劉云雪中宜爾。劉云尚書下有。一省字。

王云此東亭媚
語安石恐未肯
便沒
劉云不然作不
如自沒作是

劉云與神君語
映

劉云意態略似
但不成語

桓謂王曰定何如王曰相王作輔自然湛若神

君續晉陽秋曰帝美風次女舉止端詳公亦萬夫之望不然僕射

何得自沒僕射謝安

海西時諸公每朝朝堂猶暗唯會稽王來軒軒

如朝霞舉海西公奕別見

謝車騎道謝公遊肆復無乃高唱但恭坐捻鼻

顧眄便自有寢處山澤間儀

謝公云見林公雙眼黯黯明黑孫興公云見林公

稜稜露其爽

劉云更亮為是

庾長仁與諸弟入吳欲往亭中宿諸弟先上見

羣小滿屋都無相避意長仁曰我試觀之乃策

杖將一小兒始入門諸客望其神姿一時退匿

一說是庾亮

有人歎王恭形茂者云濯濯如春月柳

謝晦美風姿善言笑眉目分明鬢髮如墨時謝

混風鑑為江左第一常與晦同在宋武帝前帝

目之曰一時頓有兩玉人

○補有人詣謝益壽言向在劉丹陽坐見一客殊毛

北史世說補卷之十一

七

謝曰。正是我家阿瞻。益壽。混字。

○補

王景文風姿為一時之冠。袁粲歎曰。景文非但

風流可悅。乃舖啜亦復可觀。有客及識謝混者。

曰。景文方謝叔源。則為野父矣。粲惆悵曰。恨眼

中不見如此人。續世說曰。宋孝武選侍中四人。並以為風貌。王或謝莊為一雙。阮

韜何優。為一雙。

○補

張思曼吐納風流。聽者皆忘饑疲。見者肅然如

在宗廟。

○補

梁武平建業。朝士皆造之。謝景滌時年二十。意

氣閒雅。瞻視聰明。梁武目送良久。謂徐勉曰。覺

此生芳蘭竟體。南史曰。謝覽字景滌。陳郡陽夏人。父瀹。太子詹事。覽選尚齊錢

唐公主。仕梁。為吳興太守。

○補

陶隱居身長七尺四寸。神儀明秀。朗目疎眉。細

形長耳。雖在朱門。閉影不交外物。南史曰。陶弘景字通明。丹

陽秣陵人。高其志節。累辭徵命。隱於句容之句曲山。中山立館。自號華陽隱居。人間書札。以隱

居代名。卒。謚貞白先生。

補

李密目矐子正方。黑白明澈。隋書曰。密字法主。真鄉公。行之從孫。

也。才兼文武。志氣雄遠。散財養客。後更折節。下。惟耽學。楊玄感舉兵。以為謀主。屢戰克捷。上號

北史世說新語卷之十三

十一

魏公設壇即位歸煬帝見之隋書曰帝諱廣文

身於唐封邢國公煬帝見之帝第二子弒父自

窮後極欲巡狩揚州為宇文弒謂字

文述隋書曰宇文述字伯通代郡武川人周武

衛大將軍曰左仗下黑色小兒為誰云是蒲山公李

寬子帝曰此小兒瞻視異常無令人入衛密傳曰

驍勇善戰幹略過人自周及隋數經將領

補朱泚之亂唐書曰此幽州昌平人以父資從軍

涇原兵作亂奉泚為主居白華殿自裴佖與衣

冠數人佯為奴求出城佖最寢陋自稱甘草門

兵曰此數子定非人奴如甘草者不疑劉昫唐

佖字弘正裴耀卿之孫能屬文弱冠舉進士德

宗南狩奔請行在拜拾遺佖清勁温敏所交皆

當時第一流與鄭餘慶特相友善

佖沒餘慶行朋友之服縉紳美之

趙匡凝每整衣冠使人持巨鑑前後照微覺有

塵卽令持紅拂去之五代史記曰趙匡凝字光

嚴喜自修飾頗好學問聚書數千卷為政有威惠

自新

周處年少時兇彊俠氣為鄉里所患處別傳曰

治細行晉陽秋曰處又義興水中有蛟山中有

輕果薄行州郡所棄

遘跡一作額虎竝皆暴犯百姓義興人謂為三橫

而處尤劇或說處殺虎斬蛟實冀三橫唯餘其

一處卽刺殺虎又入水擊蛟蛟或浮或沒行數

十里處與之俱經三日三夜鄉里皆謂已死更

相慶竟殺蛟而出聞里人相慶始知為人情所

患有自改意孔氏志怪曰義興有邪足虎溪渚

謂郡中三害乃自吳尋二陸平原不在正見清

河具以情告并云欲自修改而年已蹉跎終無

所成清河曰古人貴朝聞夕死況君前途尚可

且人患志之不立亦何憂令名不彰邪處遂改

勵終為忠臣孝子晉陽秋曰處仕晉為御史中丞多所彈糾

乃令處距萬年伏波孫秀欲表處母老處曰忠

孝之道何當得兩全乃進戰斬首萬計弦絕矢

盡左右勸退處曰此是

吾授命之日遂戰而沒

戴淵少時遊俠不治行檢嘗在江淮間攻掠商

旅陸機赴假還洛輜重甚盛淵使少年掠劫淵

在舡上據胡牀指麾左右皆得其宜淵既神姿

峰穎雖處鄙事神氣猶異機於船屋上遙謂之

曰卿才如此亦復作劫邪淵便泣涕投劍歸機

辭厲非常。機彌重之。定交作筆薦焉。虞預晉書曰。機薦淵。

於趙王倫曰。蓋聞繁弱登御。然後高墉之功顯。孤竹在肆。然後降神之曲成。伏見處士戴淵。砥

節立行。有井渫之潔。安窮樂志。無風塵之慕。誠

東南之遺寶。朝廷之貴璞也。若得寄跡康衢。必

能結軌驥。騶質廊廟。必能垂光瑜璠。夫枯岍

之民。果於輸珠。潤山之客。烈於貢玉。蓋明暗呈

形。則庸識所甄。過江仕至征西將軍。

也。倫即辟淵。齊高帝有故吏竺景秀。嘗以過繫作部。高帝語

○補

荀伯玉卿比看景秀否。答曰。數往候之。備加責

誚。景秀言。若許某自新。則吞刀刮腸。飲灰洗骨。

帝善其言。乃釋之。南史曰。伯玉字弄璋。廣陵人。祖和。南譙太守。父闡之。給

中。伯玉仕宋。為晉安王參軍。高帝為南兖州。伯玉從。轉驃騎中兵參軍。忠勤盡心。常衛左右。犬見親信。永明元年。以事伏誅。

○補

張延符少不拘檢肆。意畋遊。父思曼請假還吳。

始入西郭。延符正獵。左手臂鷹。右手牽犬。遙望

見思曼。乃放鷹。繼犬向舟而拜。思曼曰。一身兩

役。無乃勞乎。延符跪對曰。充聞三十而立。今二

十九矣。請至來歲終身折節。思曼曰。過而能改。

乃顏子矣。明年。翻然易操。尋師就學。博覽古籍。

鬱為名士。劉潘梁典曰。張充字延符。父緒。官特進。有重名。充該通老易。能清言。與從

叔稷俱有令譽歷殿中郎終吳郡太守

企羨

○補

郭林宗遊京師當還鄉里送車千許乘李膺亦在焉衆人皆詣大槐客舍而別獨膺與林宗共載乘薄笨車上大槐坂觀者數百人引領望之眇若松喬之在霄漢

○補

庾徵君少給事縣庭郭林宗見而拔之勸遊學宮遂爲諸生傭後能講論自以卑第每處下坐諸生博上皆就讐問由是學中以下坐爲貴范

後漢書曰庾乘字世遊潁川馬陵人徵辟竝不起世號徵君

○補

裴國寶

晉諸公贊曰裴瓚字國寶楷之子才氣爽雋終中書郎世說曰正始中人士比

論以五荀方五陳八裴方八玉以裴贊方玉敦是裴叔則子風神高邁

特爲王萬子所重每從之遊萬子父安豐謂之

曰國寶初不來汝那得數往萬子曰國寶雖不

知綏綏自知國寶

○

王丞相拜司空桓廷尉作兩髻葛屨策杖路邊

窺之歎曰人言阿龍超阿龍故自超阿龍承不

覺至臺門

劉云至無鑿鑿
語懷抱相似
王云今非得其
人但欲得其時
而不可得故云

劉云敵石崇亦
何等語

○○

王丞相過江自說昔在洛水邊數與裴成公阮

千里諸賢共談道羊曼曰人久以此許卿何須

復爾王曰亦不言我須此但欲爾時不可得耳

○○

王右軍得人以蘭亭集序方金谷詩序又以已

敵石崇甚有欣色王羲之臨川敘曰永和九年

稽山陰之蘭亭脩禊事也羣賢畢至少長咸集
此地有崇山峻嶺茂林脩竹又有清流激湍映
帶左右引以為流觴曲水列坐其次是日也天
朗氣清惠風和暢娛目騁懷信可樂也雖無絲
竹管絃之盛一觴一詠亦足以暢叙幽情矣故
列序時人錄其所述右將軍司馬太原

等二十六人賦詩如左前餘姚令會稽謝勝等
十五人不能賦詩罰酒各三斗石崇金谷詩序
曰余以元康六年從太僕卿出為使持節監青
徐諸軍事征虜將軍有別廬在河南縣界金谷
澗中或高或下有清泉茂林衆果竹柏藥草之
屬莫不畢備又有水碓魚池土窟其為娛目歡
心之物備矣時征西大將軍祭酒王詡當還長
安余與衆賢共送往澗中晝夜遊宴屢遷其坐
或登高臨下或列坐水濱時琴瑟笙篳各載車
中道路並作及往令與鼓吹遞奏遂各賦詩以
叙中懷或不能者罰酒三斗感性命之不永懼
凋落之無期故具列時人官號姓名年紀又寫
詩著後之好事者其覽之哉凡三十人

○王司州先為庾公記室參軍後取殷浩為長史

始到庾公欲遣王使下都王自啓求住曰下官

希見盛德淵源始至猶貪與少日周旋

○孟昶未達時家在京口

晉安帝紀曰昶字彥達平昌人父馥中護軍昶

矜嚴有志局少為王恭所知豫義旗之勳遷丹陽尹盧循既下昶慮事不濟仰藥而死嘗

見王恭乘高輿被鶴氅裘于時微雪昶於籬間窺之歎曰此真神仙中人

○袁彥道

袁粲別見

有二妹一適殷淵源一適謝仁祖

袁氏譜曰粲大妹名女皇適殷浩小妹名女正適謝尚語桓宣武云恨不

更有一人配卿

○補王曇首

李延壽南史曰王曇首太保弘之弟幼有素尚兄弟分財曇首唯取圖書而已

辟鄒瑯王年十四五便歌諸妓向謝公靈稱歎

公甚欲聞之而王名家年少無由得聞諸妓又

向王說謝公意謝後出東府土山上作伎王時

作兩丸髻著袴褶騎馬往土山下庾家墓林中

作一曲歌于時秋月王因舉頭看北林卒曲便

去妓白謝公曰此是王郎歌

○補謝叔源

誅後及宋武受禪謝晦言曰陛下應天

受命登壇日恨不得謝益壽奉璽紱帝亦歎曰

吾甚恨之使後生不得見其風流

○補張新安少與顏光祿延之鄰居顏談議飲酒喧

呼不絕新安靜翳無言聲後顏於籬邊聞其與

客語設胡牀坐聽辭義清玄顏指謂坐賓曰此

中有人由此不復酣呌南史曰張演四弟鏡承

五龍鏡名最高仕至新安太守

○補崔瞻才學風流為後來之秀北史曰瞻字彥通

容止神彩嶷然言不安發才學風流後來之秀

魏孝靜嘗人日登雲龍門凌瞻皆侍宴有應詔

詩帝問刑劭曰瞻詩何如其父劭曰懷博推弘

麗瞻氣調清新並詩人之冠讌罷共嗟賞之咸

曰今日之讌并侍中李神儁晚年無子語邢劭

為崔瞻父子

○補日昨見崔懷兒便為後生第一我遂無此物使人傷懷

○補仲長子光王績仲長先生傳曰先生諱子光字

給無室廬絕妻子開皇末始庵河渚間以息身

焉賣藥為業人莫之知也汾陰生遊河渚一觀

而伏曰東方朔管輅不知也由是顯重守令至

者皆親謁先生辭以瘖疾未嘗交語著獨遊頌

河渚先生傳以自喻識者知其懸解人也其請

道者劔書老易二字示之彈琴餌藥以終其世

王通中說曰薛收問仲長子光子曰天人也收

曰何謂天人子曰眇然小乎所以屬於人曠哉

大乎獨能隱居北渚王無功愛其貞素徙與相

成其天隱居北渚王無功愛其貞素徙與相

近唐書曰王績字無功絳州龍門人大業中授

楊州六合縣丞棄官結廬河渚以琴酒自樂

嘗躬耕東臯。時人號東臯子。或過酒肆。動經數日。往往題壁作詩。多為好事者。諷詠。臨終遺命。薄葬。預自為墓誌。

○補 歐陽率更行見古碑。張懷瓘書斷曰。歐陽詢字子率更。令善書。筆力勁險。篆體尤妙。高麗國王愛其書。遣使請焉。神堯曰。不意詢之書名遠播。夷是索靖所書。羊愔能書人。姓名曰。燉煌索靖。草書。抱朴子曰。善書者。中州則有索靖。用古體。飄乎若起鴻之乘勁風。騰鱗之躡驚雲。馬觀之。良久而去。數百步復還。下馬佇立疲倦。則布毯坐觀。三日乃去。

○補 閻立本善畫。朱景玄唐朝名畫錄曰。閻立本太宗朝。官宰相。畫入神品。與兄立德

判。本留宿其下。十日不罷。去。張僧繇遂作醉僧圖。每以此朝之於。是諸僧聚談。十萬資。聞今並傳。於世。

齊名。至荊州。見張僧繇舊迹。曰。定虛得名耳。明日又往。曰。猶近代佳手。明日又往。曰。名下定無虛士。因坐臥觀之。留宿其下。宣和畫譜曰。張僧繇。右將軍。以丹青馳譽。干時。嘗於金陵安樂寺畫四龍。不點一目。謂點之則驤騰而去。人以爲誕。因請點之。因為落墨。纔及二龍。果雷電破壁。徐視畫已失矣。獨二龍未點。睛者在焉。世謂僧繇畫骨氣奇偉。規模宏逸。六法精備。當與顧陸並馳爭先。

○補 蕭穎士。李華撰穎士文集序曰。蘭陵蕭穎士字。州功曹。君以文章制度為己任。時人咸以此許之。及卒。門人謚為文元先生。唐詩紀事曰。穎士以拔獎後進。為任。如李陽水。皇甫冉。陸潤。皆由獎目。為名士。天下推知人。稱蕭功曹。與李華齊。

名世號有一僕事之十餘年每加箠楚輒百餘

不堪其苦人或激之使去其僕曰我非不能他

從所以遲留者特愛慕其博奧耳李元獨異志曰穎士常使

一備僕名杜亮

○補

蘇司業杜工部集曰蘇源明天寶中守東平召受為官肅宗復兩京祿山陷京師源明以病不擢考功郎中知制誥每謂當時名士曰僕不幸

生於衰俗所不耻者識元紫芝

○補

寇萊公出入宰相三十年不營私第處士魏野贈詩曰有官居鼎脩無地起樓臺公南遷時北

使至內宴歷視諸宰執語譯者曰孰是無地起

樓臺相公王聖塗湘水燕談錄曰陝右處士魏野與蒲中李瀆俱有高節以吟詠相

善野於東郊鑿土室方丈蔭以修竹泉流其前曰樂天洞

李卓吾批點世說新語補卷之十三

李卓吾批點世說新語補卷之十四

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

世說新語補卷之十四

傷逝

○補

龔勝死。

漢書曰龔勝字君賓楚人王莽徵之不食而死

楚父老來弔哭

甚哀既而嘆曰薰以香自燒膏以明自煎嗟哉

龔生竟天天年非吾徒也

徐州先賢傳曰楚老

○補

陳蕃實武為中官所害

後漢書曰實武字遊平扶風平陵人安豐戴侯

融之玄孫也父奉定襄太守武少以經行著稱桓帝拜城門校尉在位多辟名士清身疾惡賄賂不通時國政多失內官專寵李膺杜密等為黨事考逮武上疏由之靈帝立拜大將軍封關喜侯武既輔政有誅剪宦官之意與太傅陳蕃共謀天下雄俊莫不延頸企踵思奮其力於是盡收諸狡猾無狀者送北寺獄會用等共劫太后奪璽書率五營士討武武走圍殺之梟首洛

陽都郭林宗哭之於野檀弓曰所知吾哭於野則已疎慟既而歎曰人之云亾邦國殄瘁大雅瞻瞻烏爰止不知於誰之屋小雅正月詩

○補

范巨卿與張元伯為友

范曄後漢書曰張劭字元伯汝南人與范巨卿

交二人告歸鄉里式謂元伯曰後二年當還將過拜尊親見孺子焉共赴期日後期至元伯具以白母請設饌候之母曰千里結言爾何相信之審耶對曰巨卿信士必不乖違母曰若然當為爾醢酒至日巨卿果到升堂拜飲盡歡而別後元伯寢疾同郡郵君章殷子徵晨夕省視元伯臨盡歎曰恨不見吾死友子徵曰吾與君章盡心於子是非死友復

欲誰求。元伯曰：若二子者，吾生友耳。山陽范巨卿，所謂死友也。元伯尋卒，范忽夢見元伯，玄冕垂纓，屣履而呼，曰：巨卿，吾以某日死，當以爾時葬。水歸黃泉，子未我忘，豈能相及？范恍然覺寤，便往奔喪，未及到而喪已發，引柩不肯前。其母撫之曰：元伯豈有望耶？遂停移時，見有素車白馬號哭而來，母云：是必范巨卿也。巨卿既至，叩棺言曰：行矣，元伯死生異路，永從此辭。會葬，千人皆為揮涕。范執紼引柩，喪乃得前。謝承後漢書曰：式少

○補

尚節義游學京師，同業有長沙陳平子，與式未相見，被病將亡，謂其妻曰：范巨卿，烈士，可託死。吾歿後，以屍埋巨卿戶前，裂素為書，以遺巨卿。時式出行，適還，省書，愴然向墳，揖哭，以為死友。營護平子妻，兒身自送喪於臨湘，未至四五里，委素書於柩上，哭別而去。其兄弟尋求，不復見。

孔北海與蔡中郎素厚，蔡亡後，有虎賁士，貌類於蔡，北海每酒後引與共坐，曰：雖無老成人，且有典刑。大雅蕩詩

○王仲宣好驢鳴。魏志曰：王粲字仲宣，山陽高平人。曾祖龔，父暢，皆為漢三公。粲至長安，見蔡邕，邕奇之，倒屣迎之。曰：此王公孫，有異才，吾不及也。吾家書籍盡當與之。避亂荆州，依劉表，以粲貌寢通脫，不甚重之。太祖以從征吳道中卒。既葬，文帝臨其

畫能驢鳴

王云劉語大癡

喪顧語同遊曰王好驢鳴可各作一聲以送之

赴客皆一作驢鳴按戴叔鸞母好驢鳴叔鸞每為驢鳴以說其母人之所好

儻亦同之

○ ○ 王濬沖為尚書令著公服乘輅車經黃公酒壚

下過韋昭漢書注曰壚酒肆也顧謂後車客吾

昔與嵇叔夜阮嗣宗共酣飲於此壚竹林之遊

亦預其末自嵇生夭阮公亾以來便為時所羈

繼今日視此雖近邈若山河竹林七賢論曰俗傳若此賴川度爰

之嘗以問其伯文康文康云中朝所不聞江左忽有此論蓋好事者為之耳

○ 補 羊太傅好山水每風景必造峴山南雍州記曰峴山臨漢水

上至之隱然蓋諸山之小者而其名特著置酒言詠終日不倦嘗慨

然歎息顧謂從事中郎鄒湛別見曰自有宇宙便

有此山由來賢達勝士登此遠望如我與卿者

多矣皆湮滅無聞使人悲傷如百歲後有知吾

魂魄猶應登此十道志曰祐沒襄陽人感其德立祠刻碑其上過者莫不流涕杜

預名其碑為墮淚碑

○ ○ 孫子荆以有才少所推服唯雅敬王武子武子

喪時名士無不至者子荆後來臨屨慟哭賓客

莫不垂涕哭畢。向靈牀曰：卿常好我作驢鳴，今為卿作體，似真聲。賓客皆笑。孫舉頭曰：使君輩存。令此人死。語林曰：王武子葬孫子荆，哭之甚悲。賓客莫不垂涕。既作驢鳴，賓客皆笑。孫曰：諸君不死而令武子死乎？賓客皆怒。

王云妙語實境

○王戎喪兒萬子，山簡往省之。王悲不自勝。簡曰：孩抱中物，何至於此？王曰：聖人忘情，最下不及情。情之所鍾，正在我輩。王隱晉書曰：戎子綏，欲取裴道女，綏既蚤亡，戎過傷痛，不許人求之。遂至老，無敢取者。簡服其言，更為之慟。一說夷甫喪子，山簡弔之。

○有人哭和長輿曰：峨峨若干丈松崩。

○衛洗馬以永嘉六年喪，謝鯤哭之，感動路人。永嘉

流人名曰：玠以六年六月二十日亡，葬南昌城許徵墓東。玠之薨，謝幼輿發哀於武昌，感動不自勝。人問子何卹而致哀，如咸和中。丞相王公是答曰：棟梁折矣，何得不哀。

○教曰：衛洗馬當改葬，此君風流名士，海內所瞻。

○可修薄祭，以敦舊好。玠別傳曰：玠咸和中，改瑩於江寧。丞相王公教曰：洗

馬明當改葬。此君風流名士，海內民望，可修三牲之祭，以敦舊好。

○顧彥先平生好琴，及喪家人，常以琴置靈牀上。

○張季鷹往哭之，不勝其慟，遂徑上牀，鼓琴作數

曲竟撫琴曰顧彥先頗復賞此不因又大慟遂不執孝子手而出

○○

庾亮兒遭蘇峻難遇害諸葛道明女為庾兒婦

王二聲有餘痛

恢別傳曰恢字道明瑯琊陽都人祖誕司空父觀亦知名恢少有令聞稱為名賢避難江左中宗召補主簿累遷尚書令庾氏既寡將改適與謹曰庾亮子會娶恢女名文虎既寡將改適與亮書及之亮荅曰賢女尚少故其宜也感念亡

兒若在初沒

○○

庾文康公何揚州臨葬云埋玉樹箸土中使人

劉云皆無據獨遺此策後人

情何能已已

搜神記曰初庾亮病術士戴洋昔蘇峻時公於白石祠中許舉

世說

下生從來未解為此鬼所考不可救也明年亮果亡靈鬼志謠徵曰文康初鎮武昌出石頭百姓看者於听歌曰庾公上武昌翩翩如飛鳥庾公還揚州白馬牽旒旒又曰庾公初上時翩翩如飛鷗庾公還揚州白馬牽旒旒車後連轂不入尋薨下都葬焉

○○

王長史病篤寢臥燈下轉塵尾視之歎曰如此

○○

人曾不得四十及公劉尹臨殯以犀柄塵尾箸

板中因慟絕濛別傳曰濛以永和初卒年三十悼之雖友于之愛不能過也

○○

支道林喪法虔之後精神實喪風味轉墜支道

○○

法虔道林同學也雋常謂人曰昔匠石廢斤於

朗有理義遁甚重之

郢人莊子曰。郢人望漫其鼻端。若蠅翼。使匠石運斤斲之。至盡而鼻不傷。郢人止不失容。

牙生期曰。善哉乎鼓琴。巍巍乎若泰山。莫景之間。志在流水。子期曰。善哉乎鼓琴。洋洋乎若流水。鍾子期死。伯牙擗琴絕絃。終身不復鼓之。以為在者無足為之。鼓琴也。推已外求良

不虛也。冥契既逝。發言莫賞。中心蘊結。余其亾矣。卻後一年。支遂殞。

戴公見林法師墓支遁傳曰。遁太和元年。終。于剡之石城山。因葬焉。曰。

德音未遠。而拱木已積。異神理。緜緜不與氣運俱盡耳。王珣法師墓下。詩。序曰。余以寧康。命駕之剡。石城山。即法師丘也。

王云支公乃爾。邪名理何在。

為荒楚。丘隴化為宿莽。遺跡未滅。而其人已遠。感想平昔。觸物悽懷。其為時賢所惜如此。

王子敬與羊綏善。綏清淳簡貴。為中書郎。少亾。

王深相痛悼。語東亭云。是國家可惜人。羊氏譜曰。綏字仲彥。泰山人。父楷。尚書郎。綏仕至中書侍郎。

王珣

王東亭與謝公交惡。中興書曰。珣兄弟皆壻謝氏。以猜嫌離婚。太傅既與珣絕婚。又離珣妻。由是二族遂成仇讐。王在東聞謝喪。便出都。詣子

敬道。欲哭謝公。子敬始臥。聞其言。便驚起。曰。所

望於法護。王於是往哭。督帥刁約不聽。前曰。官

平生。在時不見此客。王亦不與語。直前哭甚慟。

此世說新語卷之十四

應登云刁乃謝公部下吏

不執末婢手而退

未婢謝琰小字琰字暖度安少子開率有大度為孫恩所

害贈侍中司空

○補

羊曇少為謝太傅所知

晉書曰羊曇者泰山人知名士也為謝公所愛

重

太傅亡後羊輟樂彌年行不由西州路嘗因

石頭大醉扶路唱樂不覺至州門左右白曰此

西州門羊悲感不已以馬策叩扉詠曹子建詩

曰生存華屋處零落歸山丘

曹子建詩篋篋引慟哭而去

羊孚年三十一卒

羊氏譜曰孚年四十一而卒

桓玄與羊欣

書曰賢從情所信寄暴疾而殞

宋書曰欣字敬元泰山南城人

少懷靜默兼操無競美姿容善笑言祝予之歎

如何可言

公羊傳曰顏淵死子曰噫天祝予何休曰祝者斷路亡子曰噫天祝予何休曰祝者斷

也天將亡夫子耳

補

王東亭亡後桓敬道與會稽王道子書曰元琳

神情朗悟經史明徹風流之美公私所寄忽爾

喪失歎悼之深豈惟風流相悼而已

孝武山陵夕王孝伯入臨告其諸弟曰雖棖桷

惟新便自有黍離之哀

中興書曰烈宗喪會稽王道子執政寵幸王國

寶委以機任王恭入

赴山陵故有此歎

○王子猷子敬俱病篤而子敬先亡獻之以泰元十三年卒年

四十子猷問左右何以都不聞消息此已喪矣

語時了不悲便索輿來奔喪都不哭子敬素好

琴便徑入坐靈牀上取子敬琴彈弦既不調擲

地云子敬子敬人琴俱亡因慟絕良久月餘亦

卒幽明錄曰泰元中有一師從遠來莫知所出

云人命應終有生樂代者則死者可生若逼

人求代亦復不過少時人聞此咸怪其虛誕王

子猷子敬兄弟特相和睦子敬疾屬續子猷謂

之曰吾才不如弟位亦通塞請以餘年代弟師

曰夫生代死者以已年限有餘得以足亡者

今賢弟命既應終君疾筭亦當盡復何所

猷先有背疾子敬疾篤相禁來往問亡便

悲惋都不得一聲背即潰裂推師之言信而有實

補范蔚宗既被繫上有白團扇甚佳送令出詩賦

美句擘攬筆書曰去白日之昭昭襲長夜之悠

悠上為循覽悽然沈約宋書曰范擘字蔚宗順

音律為高祖相國掾稍遷太子詹

事坐與孔熙先等謀逆誅事別見

補張思曼亡後從弟融齎酒於靈前酌酒慟哭曰

阿兄風流頓盡

○補王威明亡後昭明與湘東王繹書曰威明風韻

適上神峰標映千里絕迹百尺無枝實後人也

一爾過隙永歸長夜金刀掩銚長淮絕澗去歲

冬中已傷劉子謂孝也今茲寒孟復悼王生俱往

之傷信非虛說南史曰王規字威明尚書書之

起家秘書郎天監中除中書黃門侍郎侍

補梁簡文

梁書曰帝諱綱字世績武帝第三子侯景克建康帥兵入殿幽於永福省尋殺

之為侯景幽繫南史曰侯景字萬景魏之懷朔鎮人也初事爾朱榮高歡誅爾

朱氏遂為歡用歡死叛歸於梁太清二年題壁

自叙云有梁正士蘭陵蕭世纘立身行道終始

如一風雨如晦雞鳴不已弗欺暗室豈况三光

數至於此命也如何三國典略曰簡文為侯景

則五福俱奏運閉則六極所鍾是以前麟

○補

崔浩誅後北史曰浩作國書立石銘以彰直筆

眭夸為之素服受鄉人弔嗟歎曰崔公死誰能

更容眭夸北史隱逸傳曰眭夸一名旭趙郡高

度就奸書傳未嘗以世務經心高尚不仕與崔

浩為莫逆之交浩為司徒奏徵為中郎州郡逼

遣入京與浩相見惟飲酒談叙平生不及世利

便將別浩以夸所乘驪內之廐中冀相維繫奈

夸託鄉人輸租者謬為御車出關時朝法甚峻

坐經年浩送夸本驪兼遺以所乘馬為書謝之

夸不受其驟馬亦不復書及浩溢為之素服受卿人甲疹經一時乃止

○補

咸陽王窮極驕奢姬妾數十猶遠有簡媵以恣其情後以叛誅宮人為之歌曰可憐咸陽王奈何作事悞金牀玉几不能眠夜蹋霜與露洛水湛湛彌听長行人那得渡其歌流傳江表北人在南者雖至富貴弦歌奏之莫不灑泣北史曰咸陽王

禮魏獻文皇帝子也

○補

雷宣徽頗涉道書因讀史廢書流涕曰功名者貪夫之鈎餌橫戈開邊杖劍討叛死生食息之

不顧及其死也一棺戢身萬事都已悲夫東都事略

日雷有終同州郃陽人殿中御史德驥子也以父任為萊無尉有平賊功授保信軍留後契丹入寇真宗幸澶州有終赴援威聲甚震召拜宣徽北院使

棲逸

○補

王君公遭亂不去儉牛自隱儉謂平會兩時人家賣買之價時人為之語曰避世墻東王君公嵇康高士傳曰君

事不用乃自污與官婢通免歸詐狂儉牛口無二價也後漢逢萌傳曰萌與平原王君公友善

○補

蔣元卿舍中三徑唯羊仲求仲從之遊二仲皆控廉逃名之士司馬彪續漢書曰蔣詡字元卿父喪用者盈門後母疾之不得

止舊廬自作小菴於側住如舊

○補

張仲蔚隱居平陵蓬蒿滿宅唯開一行徑三輔決錄

曰仲蔚扶風人少與同郡魏景卿隱身不仕明天官博物好為詩賦所居蓬蒿沒人

○補

向子平讀易至損益卦易損卦曰二簋可用享損益盈虛與時偕行益

卦曰損上益下民說無疆也喟然歎曰吾已知富不如貧貴

不如賤但不知死何如生耳為子嫁娶畢敕家

事斷之云當如我已死與同好禽子夏俱遊五

嶽名山不知所終魏隸高士傳曰向長字子平禽慶字子夏二人相善長慶隱

避不在王莽通老易安貧樂道好事者更饋遺輒受之自足還餘如有不取也舉措必於中和

○補

司空王邑辟之連年乃欲薦之於莽固辭乃止後漢書日向長河內朝歌人

韓伯休采藥名山賣於長安市口不二價三十

餘年時女子從韓買藥守價不移女子怒曰公

是韓伯休那乃不二價伯休歎曰我本避名今

女子皆知有我何用藥為乃遁入灞陵山中范曄

後漢書曰韓康字伯休京兆灞陵人桓帝以安車聘之康辭安車自乘柴車晨先使者發至

亭亭長以韓徵君當過方發人牛修道及見康柴車幅巾以為田叟也便奪其牛即釋駕與之

有頃使者至奪牛翁乃徵君也使者欲奏殺亭長康曰此自老子與之亭長何罪乃止康因道

遁以壽終

王云有為之教四字甚深

阮步兵嘯聞數百步。蘇門山中忽有真人樵伐者咸共傳說阮籍往觀見其人擁藜巖側籍登嶺就之箕踞相對籍商略終古上陳黃農玄寂之道下考三代盛德之美以問之仡然不應復叙有為之教棲神導氣之術以觀之彼猶如前凝矚不轉籍因對之長嘯良久乃笑曰可更作籍復嘯意盡退還半嶺許聞上啻然有聲如數部鼓吹林谷傳響顧看迺向人嘯也。魏氏春秋曰阮籍常率意獨駕不由徑路車跡所窮輒慟哭而及嘗遊蘇門山有隱者莫知姓名有竹實數斛柞白

而已籍聞而從之談太古無為之道論五帝三王之義蘇門先生條然曾不眴之籍乃嗒然長嘯韻響寥亮蘇門先生乃道爾而笑籍既降先生喟然高嘯有如鳳音籍素知音乃假蘇門先生之論以寄所懷其歌曰日沒不周西月出丹淵中陽精晦不見陰光代為雄亭亭在須臾厭厭將復隆富貴倏仰間貧賤何必終竹林七賢論曰籍歸遂著大人先生論所言皆骨懷間本趣大意謂先生與已不異也觀其長嘯相和亦近乎目擊道存矣

李廐是茂曾第五子清貞有遠操而少羸病不肯婚宦居在臨海住兄侍中墓下既有高名王丞相欲招禮之故辟為府掾廐得賤命笑曰茂弘乃復以一爵假人。文字志曰廐字宗子江夏鍾武人祖康秦州刺史父

劉云如云借者

重平陽太守世有名望。厥好學善草隸。與兄式齊名。躄疾不能行。坐常仰臥。彈琴讀誦不輟。河間王辟太尉掾。以疾不赴。後避難隨兄南渡。司徒王導復辟之。厥曰：「茂弘乃復以一爵加人。永和中卒。厥嘗為二府辟。故號李公府也。」式字景則。厥長兄也。思理儒隱。有平素之譽。渡江累遷。臨海太守。待中。年五十四而卒。

阮光祿在東山蕭然無事常內足於懷阮裕別傳曰裕

居會稽剡山有人以問王右軍右軍曰此君近

不驚寵辱老子曰寵辱若驚得之若驚失之若驚雖古之沈冥何

以過此楊子曰蜀莊沈冥李軌注曰沈冥猶玄寂泯然無迹之貌

何驃騎弟以高情避世而驃騎勸之令仕荅曰

劉云古無此語

予第五之名何必減驃騎中興書曰何準字幼

軍充第五弟也雅好高尚徵聘一無所就充位

居宰相權傾人主而準散帶衡門不及世事于

時名德皆稱之年四十七卒有女為

穆皇帝后贈光祿大夫子恢讓不受

南陽劉麟之高率善史傳隱於陽岐于時符堅

臨江荊州刺史桓沖將盡訐謨之益徵為長史

遣人船往迎贈貺甚厚麟之聞命便升舟悉不

受所餉緣道以乞窮乏比至上明亦盡一見沖

因陳無用脩然而退居陽岐積年衣食有無常

與村人共值已匱乏村人亦如之甚厚為鄉間

劉云乞音氣

王云註尤佳

所安鄧粲晉紀曰麟之字子驥南陽安衆人少尚質素虛退寡欲好遊山澤間志存道逸桓冲嘗至其家驕之方條桑謂冲使君既枉駕光臨宜先詣家君冲遂詣其父父命麟之然後乃還披短褐與冲言父使麟之自持濁酒煎菜供賓冲救人之父辭曰若使官人則非野人之意也冲為慨然至昏乃退因請為長史固辭居陽岐去道在近人士往來必投其家驕之身自供給贈致無所受去家百里有孤嫗疾將死謂人曰唯有劉長史當埋我耳驕之身往候之值終為治棺殯其仁愛皆如此以壽卒

王云按此語似深似淺蓋用物

南陽翟道淵與汝南周子南少相友共隱于潯陽庾太尉說周以當世之務周遂仕翟秉志彌固其後周詣翟翟不與語晉陽秋曰翟湯字道淵南陽人漢方進之

陽書中語雖謙已無能為光容誤知而陰刺庾公不能自別夜光也

後也篤行任素義讓廉潔饋贈一無所受值亂多寇聞湯名德皆不敢犯潯陽記曰初庾亮臨江州聞翟湯之風束帶躡屐而詣焉亮禮甚恭湯曰使君直敬其枯木朽株耳亮稱其能言表薦之徵國子博士不赴主簿張玄曰此君臥龍不可動也終于家

劉云少孤名陋皆惟萬年何辜又云偽病何死

孟萬年及弟少孤居武昌陽新縣萬年遊宦有盛名當世少孤未嘗出京邑人士思欲見之乃遣信報少孤云兄病篤狼狽至都時賢見之者莫不嗟重因相謂曰少孤如此萬年可死袁宏士銘曰處士名陋字少孤武昌陽新人吳司空孟宗後也少而希古布衣蔬食棲遲蓬華之下絕人間之事親族慕其孝大將軍會稽王命辟之稱疾不至相府歷年虛位而澹然無悶卒不

降志時人奇之。

○補

王右軍既去官與東土人士營山水弋釣之娛

又與道士許邁共修服食徧采名藥不遠千里

遊東中諸郡名山泛滄海歎曰我卒當以樂死

道學傳曰許邁字叔玄清虛接真遐棲表志所在往而不返故改名遠遊與王右軍父子為世

外之交。

○

康僧淵在豫章去郭數十里立精舍旁連嶺帶

長川芳林列於軒庭清流激於堂宇乃閒居研

講希心理味庾公諸人多往看之觀其運用吐

納風流轉佳加已處之怡然亦有以自得聲名
乃興後不堪遂出僧淵氏族所出未詳疑是胡人尚書令沈約撰晉書亦稱其有義學。

○

戴安道既厲操東山續晉陽秋曰遠不樂當世以琴書自娛隱會稽剡山

而其兄欲建式遏之功戴氏譜曰遠字安丘譙國

弟志業何其太殊戴曰下官不堪其憂家弟不

改其樂顯祖碩父綏有名位遠以武勇謝太傅曰卿兄

○

范宣未嘗入公門韓康伯與同載遂誘俱入郡

○ 范便於車後趨下續晉陽秋曰宣少尚隱遁家于豫章以清潔自立

○ 許掾好遊山水而體便登陟時人云許非徒有

勝情實有濟勝之具

○ 補

張薦隱居願志家有苦竹數十頃張於竹中為

屋常居其中王右軍聞而造之張逃避竹中不

與相見永嘉郡記曰樂成縣民張薦隱居願志不應辟命一郡號為高士

○ 郝尚書中興書曰郝恢字道胤高平人父曇北

宗器之以為藩伯之望自與謝居士善常稱謝

慶緒識見雖不絕人可以累心處都盡檀道鸞續晉陽

王云此語故未易得

○ 秋曰謝敷字慶緒會稽人崇信釋氏初入太平山中十餘年以長齋供養為業招引同事化納不倦以母老還南山若邪中內史郝愔表薦之徵博士不就初月犯少微星一名處士星占者以處士當之時戴逵居剡既美才藝而交遊貴盛先敷著名時人憂之俄而敷死會稽人士以朝吳人云吳中高士便是求死不得

○ 王子猷常暫寄人空宅住便令種竹或問暫住

○ 何煩爾王嘯詠良久直指竹曰何可一日無此

君中興書曰徽之卓犖不羈欲為傲達放肆聲色頗過度時人飲其才穢其行也

○ 補

郭元瑜少有拔俗之韻晉書曰郭瑀字元瑜儼張天錫遣使備禮徵之元瑜指翔鴻示使人曰

此鳥安可籠哉天錫遺書曰先生潛光九臯懷真獨遠心與至境冥符志與

四時消息豈知蒼生倒懸四海待拯孔聖車不停軌墨子駕不俟且皆以黔首之禍不可不救

先生懷濟世之才故遣使者虛左授綬

補陶徵士嘗言五六月北窻下臥遇涼風暫至自

謂是羲皇上人

○補宗少文好山水愛遠遊西陟荆巫南登衡嶽因

結宇衡山欲懷尚平向平高士傳作尚平之志有疾還江

陵歎曰老疾俱至名山恐難徧觀唯當澄懷觀

道臥以遊之凡所遊履皆圖之於室謂人曰

琴動操欲令衆山皆響宋書曰宗炳字少文南陽涅陽人祖承宜都太守父繇之湘鄉令母同郡師氏聰辯有學義教授諸子炳居喪過禮為鄉閭所稱宋高祖辟主簿荅曰棲丘飲谷三十餘年荆

史殷仲堪桓玄屢辟並不就

○補孔淳之居會稽剡縣性好山水每有所遊必窮

其幽峻或旬日忘歸宋書曰孔淳之字彥深魯郡人祖愔尚書祠部郎父

粲秘書監微不就淳之少高尚愛好墳籍與徵士戴顓王弘之及王敬弘等共為人外之遊元

嘉初徵散騎郎不到嘗遊山遇沙門釋法崇因畱共止遂

停三宿法崇歎曰緬想人外三十年矣今乃傾

蓋於茲不覺老之將至淳之還反不告以姓會稽

舊志曰竺法崇有律學精於法華經居剡之葛峴山菜菜澗飲孔淳之訪之信宿不去神思傾豁

○補

江湛舉王景玄為吏部郎王與湛書曰君平有言生我名者殺我身天爵猶滅名安用吏部郎哉其舉可陋其事不經非獨縉紳者不道僕妾皆笑之因與湛告絕足不踰閩十餘年樓遲環堵之室苔草沒階皇甫謐高士傳曰嚴遵字君平蜀人隱居不仕費上於成都市日得百錢自給上訖則閉肆下簾以著書為事有富人羅冲為具車馬衣糧君平曰吾非不足也子奈何以不足助有餘冲曰吾有萬金子無儋石乃云有餘不亦謬乎君平曰不然子

宿子家人定而役未息晝夜汲汲未嘗有足今我以下為業不下床而錢自至猶餘數百不知所用此非我有餘而子不足耶冲大慚君平嘆曰益我貨者損我神生我名者殺我身時人服之

○補

顧長孺有隱操齊書曰顧黼字長孺吳郡人有隱操與顧景怡南史曰顧歡字景怡一字玄平吳興鹽官人好黃老通陰陽為術數多驗隱居不仕於天台山開館聚徒受業者常百人俱不就徵景怡晚節服食不與人通每且出戶山鳥集其掌取食

○補

魚復侯南史曰魚復侯子響武帝第四子初封巴東王為江州厚餉遺宗敬微宗辭曰少有狂疾尋山採藥遠

來至此量腹而進松木度形而衣薜蘿淡然而已

足豈容當此橫施南史曰測字敬微南陽涅人炳之孫也性靜退不樂人間

居江陵欲遊名山齋老子莊子白墮子孫拜辭悲泣測長嘯不視遂往廬山

補 庾杲之清素自業食唯有菹菹瀹菹生菹蔞菜

或戲之曰誰謂庾郎貧食鮭常有二十七種蕭子顯齊書曰杲之字景行新野人祖深之雍州刺史父粲司空參軍杲之少貞立節令利潤善於音吐學涉文義起家奉朝請太子右衛率

孔稚圭風韻清疎門庭之內草萊不剪中有蛙鳴稚圭曰以此當兩部鼓吹南齊書曰孔稚圭字德璋會稽人

涉學有美譽仕至太子詹事

補 王弘之性好釣魚上虞江有一處名三石頭弘

之常垂綸於此會稽志曰上虞江源出剡縣東流入江又北流至三江入海

或問漁師得魚賣否弘之答曰釣亦不得復

不賣日夕載魚入上虞郭經親故門各以一兩

頭置門內而去沈約宋書曰王弘之字方平瑯琊人宣訓衛尉鎮之弟少孤貧

為外祖何準所養從叔獻之及太原王恭甚貴重之後謝靈運頗延之並相欽重靈運與廬陵

王羲真成日會境既豐山水江左嘉遁並多居之但季世慕榮幽棲者寡或復木為時求弗獲

從志若王弘之拂衣歸耕踰歷三紀孔淳之隱約窮岫自始迄今阮萬齡辭事就閒纂成先業

七十五

浙河之外。棲遲山澤。如斯而已。既遠同義。唐亦激貪厲競。殿下愛素好古。常若布衣。每意昔聞。虛想巖穴。若遣一介。有以相存。真可謂千載盛美也。初為衛軍參軍。後屢徵太子庶子。散騎常侍。不就。卒。

補

陶貞白幼有異操。年十歲得葛洪神仙傳。晝夜

研尋。便有養生之志。謂人曰。仰青雲。觀白日。不

為遠矣。神仙傳曰。洪弟子滕升常問洪曰。古之

百人。劉向所纂又七十一人。今錄集以傳真識之士。

補

王沙彌。沙彌。王暕小字也。北史曰。暕字叔朗。北

有風則齊亡。周武帝母終後。遨遊鞏洛。悅其山

水。圖經曰。洛水出洛南縣冢嶺山。經鞏縣入於

居之。可樂。平川廣衍。東西數百里。嵩山少室。大

壇。王屋岡巒。靡迤。四顧可挹。伊洛溼潤。流於平

地。故其山川之勝。泉流之潔。雖其間閭之人。與

公侯共之。一畝之宮。上矚青山。下聽流水。奇花

修竹。布列左右。而其貴家巨室。園圃亭觀之盛。實甲天下。與范陽盧元明

曰。元明字幼章。范陽涿人。涉歷羣書。兼有文義

風采。間潤進退。可觀。中山王熙博識之士。見而

嘆曰。盧郎有如此風神。唯須誦離騷。飲美酒。鉅

自為佳士。太平中。副李諧使梁。南人稱之。

鹿魏季景。結侶同契。往天陵山。浩然有終焉之

志。北齊書曰。魏季景。收族叔也。父鸞。有容儀。為

奉車都尉。季景少孤。清苦自立。有文才。官至

大司農卿。

○補

王無功有田十六頃在河渚間奴婢數人自課種黍春秋釀酒養鳧鴈蒔藥草自供與仲長子光服食養性欲見兄弟輒渡河還家遊北山東臯著書自號東臯子

○補

朱稚椎隱居不仕披裘帶索浮沉人間宋祁唐書曰桃稚益州成都人澹泊無為隱居不仕高士廉在益州屢遣人存問見輒走棹草自匿實益州遺以衣服逼為鄉正劉昫唐書曰實字益之子也武德三年為益州道行臺左僕射稚椎不言而退逃入山中夏則裸形冬則樹皮自覆贈遺一無所受每織

○補

芒屨置路傍見者皆言朱居士屨也易米置本處桃稚至夕取之終不見人

○補

孔極侍郎朝迴遇雨避於一叟之廡下延入廳事叟烏帽紗巾逢迎甚恭因備酒饌一一精好孔公借油衣叟曰某寒不出熱不出風不出雨不出未嘗置油衣也孔公不覺頓忘宦情

○補

王摩詰貯蕙蘭用黃磁斗養以綺石累年彌盛劉昫唐書曰王維字摩詰太原神人與弟縉俱有俊才博學多藝閨門友悌兄弟奉佛居常蔬食不茹葷血晚年長齋不衣文綵得宋之問藍田別墅在輞口輞水周於舍下竹洲花塢與道

王云此為吟人
釋言篇之祖

友裴迪。浮舟往來。彈琴賦詩。嘯詠終日。在京師。日飯十數名僧。以玄譚為樂。齋中無所有。唯茶。鑪藥白。經案繩牀而已。退朝之後。焚香獨坐。以禪誦為事。妻亾不再娶。三十年。孤居一室。屏絕塵累。

○補

顏真卿為湖州刺史

唐書曰。真卿字清臣。瑯琊臨沂人。五代祖之推。北齊

黃門侍郎。真卿少有詞藻。工書。開元中進士。四命為監察御史。出為平原太守。祿山反。與從父兄杲卿討賊。代宗立。改尚書右丞。封魯郡公。以正直立朝。為楊炎。盧杞所忌。遣諭李希烈。不屈。遇害。張志和來謁真卿。以其舟敝漏。請更之。志和曰。願為浮家泛宅。往來苕霅間。
與地志曰。苕溪源自獨松嶺。合浮玉山山水。至吳興。入于太湖。苕溪者。以其合苕溪前溪。餘不溪。北溪。四水。苕溪一

○補

許謹選放曠不拘小節。與親友結宴花園中。未

王云宋人諱慎。每以謹代。何元朝所見。乃宋刻本。何既不為。及

嘗張幄設坐。只使僮僕聚落花鋪坐下。曰。吾自有花裯。按開元天寶遺事。載此。是學士許慎選。而語林作謹選。未知何據。

○補

種明逸至性嗜酒。嘗種秫。自釀。每日空山清寂。

訂張又謂未知。可據特為指出。以釋觀者之疑。

聊以養和。王聖塗澠水燕談曰。種放字明逸。舉古性頗嗜酒。躬耕種秫。以自釀。所居有林泉之勝。景德中。召至闕。真宗欲大用。固辭還山。

○補

林逋隱居孤山。嘗畜兩鶴。縱之。則飛入雲霄。盤

旋久之。復入籠中。逋常泛小艇。西湖諸寺有客。

至逋所居則一童子應門延客坐為開籠縱鶴良久逋必棹小船而歸蓋常以鶴飛為客至之

驗歸田錄曰林逋字君復居杭州西湖之孤山真宗聞其名賜號和靖處士詔長吏歲時勞

問逋工畫善為詩如草泥行郭索山木叫鈎斬頗為士大夫所稱

○補

蘇養直隱京口

蘇翁貴耳集曰蘇庠字養直父伯固從東坡遊東坡我夢扁舟遊震澤之詞為伯固作也養直屬玉雙飛水

興間與徐師川同召養直不起師川造朝時便

道過養直留飲甚歡二公平日對奕徐高於蘇

是日養直拈一子笑視師川曰今日還須讓老

夫下此一着師川有愧色

宋史曰徐俯字師川洪州分寧人以父禱死事授通直郎張邦昌僭位逐致仕時正部侍郎何昌言與弟昌辰避邦昌諱皆改名俯買婢為昌奴客至即呼前驅使之高宗朝胡直孺汪藻送薦之召為諫議大夫周輝清波襍志曰師川紹興初由諫垣遷翰苑贊機命

李卓吾批點世說新語補卷之十四

決不決一簿細小存謝會

...

...

...

...

...

...

...

